



Tir Yimym

www.tiryimym.in

Regd. No. RNI. NAGAAO/2004/13113. Postal-NE/RN-717.

e-mail : tiryimym@gmail.com

TAPAK 7

Yangia anidakangma :



Tir Yimym



tiryimym@aolima



tir yimym

TAPAK 8



**Egypt Tir el-Sisi-i activist
Douma nem taitok agütsü**



**FIFA-AIFF Academy amenoktsü atema
Arsene Wenger-i India semdangtsü**

VOL. XX NO. 308 (ADOK 308)

DIMAPUR AMUNGNÜ (SUNDAY)

LUROI (AUGUST) 20, 2023

₹ 5.00

Naga Hoho-i Manipur Naga MLA tem aitsür

Dimapur, August 19, 2023 (TYO): Manipur Legislative Assembly (MLA) nung Naga nung MLA 8-i Manipur state kumzuka ayutsü sangdongba khukhua aitsür ta Naga Hoho-i metetdaksüogo.

Iba ya Naga nung taginüba ashiochtsüba lir aser parnoki Naga nung maitsü aser tarutsü asoshi lendong bentsür aruogo, ta Media Cell, Naga Hoho-i sangdong ka nung ashi.

Naga nung külem temulungtetba anema Naga MLA 8-i Meitei MLA 8 den teka amteper Prime Minister dangi shidi züluogo. Parnoki Naga nung atema noktakba Naga civil society organizations (CSOs) den asüngdangtep mesü dang iba lemtet agiogo, ta Naga Hoho-isa ashi.

“Iba ajanga parnoki Naga nung yimten taginüba hao ta maliba sayur. Naga MLA 8-i Naga nung ajungtsü aser taginüba

anema parnok nija taginübatem atema bilema iba lemtet agiba atema sasaa bilemetsür. Naga nung putiotsü kumzuka ayutsü melena parnoki tashi angutsü atema mapa inyakogo” ta parnokisa metetdaksü.

Naga MLA 8 yagi putiotsü aser senmang memetet aser parnok ya taolen memetetba shirurtem ama lir. Manipur nung Naga MLA 8-i lemtetba ya Naga nung ajak lemtet masü, ta Naga Hoho-isa ashi.

“Kin o kin rara nung Naga nung ali inch ka danga m a m s h i d a k t s ü t s ü . Bendangertemi Naga nung nungi temelaba magii Naga lima nung mapa kecha meinyakdaksütsü. Onoki Naga nung ali kumzuka ayutsü aser bendangertemi putiotsü melenshia Naga nung lushu nung temeten angutsü merangba noktangtsü” ta Naga Hoho-isa metetdaksü.

Nagalim nung azü metokshitsüla: NSCN-IM

Dimapur, August 19, 2023 (TYO): Ukhrul district nung nisung tepsetba aitsür ta MIP, NSCN/GPRN-i sangdong ka nung metetdaksüogo.

Meitei-Kuki-Zo mangatetep tenüng amer Manipur nung Naga nung tesemtem nung azü metokshitsüla, ta parnoki ashi.

Kanglei Yawol Kanna Lup (KYKL) aser Manipur Naga Revolutionary Front (MNRF) telungpurtemi Thawai Kuki anasa Sipijang yimtsüng nung nisung

tepsetba khukhua aitsür ta sangdong nung shia lir.

Iba ya Nagalim telongtet nung atalok. MNRF ya Manipur nung Naga nung atema noktakba telok masü kechiyong parnok ya Manipur lendenen aliba telok ka ajanga yarir, ta MIP, NSCN/GPRN-i ashi.

“Meitei-Kuki-Zo mangatetep atema Naga tesemtem nung azütokshitep masüla” ta NSCN-IM-isa nenshia metetdaksüogo.

Nagalim nung azü metokshitsüla: NSCN-IM

Dimapur, August 19, 2023 (TYO): Taruba hopta tsüngda Nagaland nung tzünglu arutsü ta Nagaland State Disaster Management Authority (NSDMA)-i Honibarnü metetdaksü.

August 20 nungi tenzuka tsüngsang majungtsü. August 19 nungi August 24 tashi Kohima, Phek, Wokha, Zunheboto, Mokochung, Mon, Kiphire, Tuensang aser Shamator district tem nung tzünglu kanga arutsü

aser mepet agi sübangtsü ta NSDMA-i ashi.

Iba mapang Nagaland nung minimum temperature 14°C aser maximum temperature 34°C asütsü imlar ta parnokisa ashi.

NSDMA-isa nübortem dang tsüngsang-mopung majungdang lendong nungi jenbua alitsü metetdaksüogo.

NSDMA-isa district disaster management ketdangsurtem aser line departments renema atatsü metetdaksüogo.

Minister Kruse-i maitsü meteta alitsü ayongzük

Kohima, August 19, 2023 (TYO): Asenoki asen maitsü, sobaliba aser inyaksangshi jungjunga meteta alitsü tim ta Women Resource Development and Horticulture Minister Salhouonuo Kruse-i ashi.

Minister Kruse-i 8 buba Mezo Basa Day nung o jembidang asen maitsü jangjatsü atema tesüiba otsü aser tera metettsü tim ta

ayongzük.

Asenoki asen sobaliba sübotsü akhümtsübuttsüla kechiyong iba ya asen maitsü nung shilem ka lir ta laisa shisem.

Minister Kruse-isa Mezoma nung dang election nung la nem takok ngudaksüba atema pelaba metetdaksü aser terenlok bener arutsü atema tarutsü nunga maneni yaritsü mepishi.

Dimapur nung tenük wara ajanga school shibangtsü

Dimapur, August 19, 2023 (TYO): School tanurtem dak conjunctivitis ta ajaba tenük wara kanga menatepba ajanga Dimapur district administration-i August 21 nungi August 26 tashi school shibangtsü tetuyuba agütsüogo.

“Dimapur nung school tanurtem dak conjunctivitis kanga putetba agi physical class anena atatsü telemetba agiogo. School tanurtem tsüngda conjunctivitis menatepba azüoktsü atema August 21 nungi August 26 tashi physical class magütsü” ta Deputy Commissioner Sachin Jaiswal-i Honibarnü sangdong ka nung

metetdaksü.

DC Jaiswal-isa school ketdangsurtem dang iba mapang nung online classes amala agütsü lenmang bushiteptsü mepishia metetdaksüogo.

Brihostibarnü Dimapur Chief Medical Officer (CMO) Dr Limatula Aier-i Dimapur nung conjunctivitis kanga putetba aser talisa school tanurtem menatepba indang tebilemetsü lemsatapa liasü.

Dimapur nung aliba mozü kitem nung conjunctivitis putetba osang aika angashiogo ta lai ashi.

CMO Dr Limatula-isa district administration, school education department aser teachers’

association den iba onük atema senden ka amen.

July ita tatemlen nungi tang tashi nung nisung 700 tema dak conjunctivitis putetogo ta Dimapur district hospital nung senior specialist Dr Asongla Chang-ia ashi.

Iba ya district hospital nung dang putetba lir aser Dimapur nung nija mozü kitem nung putetba bendenra nisung aika asütsü ta lai ashi.

Tawa ya tanurtem dak pharyngoconjunctivitis puteter. Pharyngoconjunctivitis agi shirangba yimya ya temang metar, trok ashir aser aketer, ta Dr Asongla-isa ashi.

CoTU-i Manipur nung NH-2 aser NH-37 mokdangtsü

Imphal, August 19, 2023 (Agencies): August 20, 2023 nungi Committee on Tribal Unity (CoTU), Sadar Hills ajanga Manipur nung NH-2 aser NH-37 mokdangtsü osang metetdaksüogo.

Home Minister Amit Shah-i Parliament nung taittsü aketba onük jembiba aser Kuki-Zo nung anema jembiba atema Honibarnü Kangpokpi nung CoTU-i lungkak aitba sentong ka ayonga agi.

Kangpokpi District nung aliba Kuki-Zo nung meyirjang aika iba sentong nung aden aser CoTU lennirtemi Kangpokpi DC ajanga India Prime Minister dangi züluba memorandum ka agütsü.

Union Home Minister-i August 9 nü Lok Sabha nung tebilemetsü melii Kuki-Zo nung

indang o jembiba anema onoki sentong ayongzük, ta CoTU General Secretary-i ashi.

Maneni, Kuki-Zo Academics aser Intellectuals anema FIR benokba lir aser onoki parnok pusema nungitba sayua iba sentong agir, ta paisa ashi.

Dr. Jangkhomang Guite, Dr. Thongkholal Haokip, Colonel (Retd.) Dr. Vijay Chenji, Professor Kham Khan Suan Hausing, Dr. Mary Grace Zou, WL Hangshing, Gladly Vaiphei Hunjan, Ginza Vualzong, Loon Gangte aser Zomi Students Federation anema FIR tem benoka lir, ta General Secretary-isa shisem.

Union Home Minister-i Lok Sabha nung jembiba onük meyipa agütsü akhanger. Pai Myanmar nungi "Kuki Democratic Front"

aser "Kuki nungeri" mepetmesü adokdaksü ta ashi saka iba ya tiyazü lir, ta CoTU lennirisa ashi.

Lendenlen mapa lemsüka aliba Army aser Central Forces ket nung AFSPA ozüng mali aser iba jagi Meira Paibi temi parnok noktanger. Iba ajanga lendenen telungpurtemi tai maketba Kuki-Zo nung anema mapa inyakteter, ta CoTU General Secretary-isa ashi.

Lendenlen aliba telungpurtemi Kuki-Zo nung tepsetba anentsü atema Centre-i AFSPA ozüng benoktsüla ta paisa takhangba agütsü.

India sorkari Kuki-Zo nung kumzuka meyutetba atema CoTU-i Deobar ayaterm nungi National Highway-2 aser National Highway-37 mokdangtsü lemtetogo ta paisa metetdaksü.

Zetta Farms-i Nagaland nung alu mapa inyakertem yaritsü



August 19 nü Tseminyu nung DPDB Tseminyu aser Zetta Farms tsüngda MoU nung sign sütepang MLA Ar. Jwenga Seb aser Zetta Farms CEO Rituraj na agiba noksa angur,.

Kohima, August 19, 2023 (TYO): Gurgoan nung amenoka aliba company Zetta Farms-i Nagaland nung aluyimba tsütsü mapa inyaksü osang metetdaksüogo.

Zetta Farms-i sorkar nem infrastructure teyari agütsütsü aser tsünüsenbongtsü ketdangsa repringtsü.

“Zetta Rozgaar Yojna” ajanga

aluyimertem tashi itdaksütsü aser alu acre talila ana shia nung aluyimer ka mapa inyakdaksütsü. Zetta Farms-isa aluyimba nung sendakteper ajak nem pension funds aser insurance coverage agütsütsü.

“Nagalim nung aluyimba maparen tajungba küma aotsü onoki amanger. Onoki aluyimba nung dang masü saka socio-

economic jenjang ajungkettsü, lipoküm wazüka ayutsü aser lokti tashi idaksüba mapatem inyaksü” ta Zetta Farms CEO Rituraj-i ashi.

“Onoki Nagaland ya India nung mezüngbuba carbon-positive state kümdaksütsü imlar” ta paisa ashi.

Nagalim nung Zetta Farm maparen tenzükba ya MLA aser District Planning & Development Board (DPDB) Tseminyu chairman Ar. Jwenga Seb, State Coordinators of Zetta Farms G.K. Rengma aser Abhijeet Sahoo, aser Business Development at Zetta Farms Director Udit Singhal nung ajanga lir.

Parnoki shilem agiba ajanga August 19, 2023 nü DPDB Tseminyu aser Zeeta Farms tsüngda ali acre 5000 atema MoU ka nung sign sütepogo.

Zetta Farms-i Nagaland nung alu mapa inyakertem yaritsü aser iba ajanga aika züsentetba den endokenra ajemtsü aser taküm jenjang melenshitsütsü.

FAC nung HIV/AIDS awareness sentong ayongzüka agi



Dr. Kilangwapang

Dimapur, Luroi/August 19 (TYO): Red Ribbon Club, Fazl Ali College-i ayongzüka August 19 nü First Semester kaketshirtem atema awareness sentong ka ayongzüka agiogo.

Iba sentong nung Dr. Kilangwapang, Medicine Specialist, Imkongliba Memorial District Hospital, Mokochung shisalen sayur liasü.

Iba sentong ya lanurtem shirnok tashidak agi menatsü ana

nung lir parnok nem tangazükba agütsütsü nükjidong nung ayongzüka katsüogo. Sentong nung Vice Principal, Mr. Vinod Kumar-i lokti pela agizükba o jembi aser I. Yashikala Jamir, Nodal Officer, RRC-i, RRC tentetba aser HIV/AIDS dak sendakba nung lanurtem nem tangazükba agütsütsü atema iba sentong ayongzüka agiba indang metetdaksü.

Shisalen sayur Dr.

Kilangwapang-i, koda HIV/AIDS wara ya mazüokteti küm lir dak tema arudar aser tashidak mesen mutation jenjang kanga tali asüba ajanga tang tashi vaccine monguteti arudar, iba indang lemsatöp. Paisa, symptom tem aser tashidak nungi koda pila alitsü atema tangazüba agütsüba den tashidak menar alirtem mezümgeshia mamshitsü atema kaketshirtem ajungshia liasü.

Maneni pai, iba tashidak ya taneptsü mangur aser kanga mela mela tebur nungi tetsürtem dak menar aser koda aiür chanutem dak iba tashi menatsü ana nung ali iba indang lemsatöp. Paisa, tashidak aneptsü asohi kecha lenmang melaika tanü asüngbo mozü peria angur aser iba ajanga HIV agi tonger alirtem tashidak mena malirtem ama liyonga oteter ta ashi.

Sentong nungsa Principal I. Wati Imchen-i, iba awareness sentong nung shilem ka ama RRC-i ayongzüka painting aser essay tetoktepba nung takok angurtem nem sempet lemja liasü, ta Fazl Ali College, Information and Publicity Cell sangdong ka ajanga metetdaksü.

Pensioner tem physical verification agitsü

Dimapur, Luroi/August 19 (TYO): Senior Treasury Office-i sangdong ka ajanga Kohima North Treasury nungi pension agizükba pensioner ajak dang, CTR 368 dak ajemdaker 2023 küm atema annual physical verification agitsü ta metetdaksüogo.

Senior Treasury Officer, Limatemsu-i, family pensioners aser life pensioners atema physical verification ya September 11 nungi tenzüka 16 tashi agitsü, ta metetdaksüogo.

Maneni atakzükja aliba anogo süba sülen physical verification magitsü aser physical verification masüba pensioners tem nem 2023 September ita atema pension magütsütsü ta metetdaksüogo.

Pensioner tem shirnok yareda shirangba ajanga physical verification atema marutettsüsa kümdir parnoki contact number den parnok indang ki address agütsütsüla, ajita asünungdang verification atema ketdangsür ka yoktettsü.

Physical verification atema tenüngdakba kuli kakettem rongnung PPO book, attest sür aliba life certificate aser Pensioners Association-i agütsüba ID card densema lir.

Iba dak sendakba nung pensioners ajak dang parnok indang kaket serial number kanga junga reprinter atakzükja aliba anogo verification atema arutsü metetdaksüogo.

Life Pension physical verification.

| Date | SL.No. |
|-----------|-----------|
| 11.9.2023 | 7-1305 |
| 12.9.2023 | 1311-2285 |
| 13.9.2023 | 2288-3227 |
| 14.9.2023 | 3228-3923 |
| 15.9.2023 | 3924-4514 |
| 16.9.2023 | 4515-4866 |

Family Pension physical verification.

| Date | SL.No. |
|-----------|------------|
| 11.9.2023 | 1-566 |
| 12.9.2023 | 568-1157 |
| 13.9.2023 | 1158-1668 |
| 14.9.2023 | 1669-2112 |
| 15.9.2023 | 2114-2474 |
| 16.9.2023 | 2475-2738. |

Naga Hospital Colony multi-purpose building cum Office semzükogo



Kohima, Luroi/August 19 (TYO): Naga Hospital Colony (NHC) Panchayat Kohima-i kanga dang nüngdaka aliba multi-purpose building cum Office ka tanü semzükogo. Iba ki ya colony nung aliba nüburtemi tenla agüja yangluogo.

Iba ki tasenba ya August 19 nü nikongtsütsü NHC Panchayat chairman Vizetuo Solo-i, MLA Kenezhakho Nakhro aser 7-Western Angami Assembly Constituency kübok colonies/wards Panchayat lenirtem matsüngdang semzükja liasü.

Sentong nung o jembiba mapang Solo-i, Kohima yimtsüng T. Khel-i ali tenla agütsüba sülen British nungrtemi Naga Hospital yanglu aser iba sülen iba kiyong ya kümteta liasü, ta ashi

Paisa, 1973 küm iba kiyong officially agizükba sülen kiyong

ngutetba lenirtem aser züngsemtemi nükla tajung yur kiyong asoshi inyakba bilemtetshia jembi. Tang iba kiyong nung ki 300 shi aser nütsünyongtsük 2000 shi lir ta pai ashiba den ali shilem 95 jurila ali aser shilem 5 sorkar meyong lir ta ashi.

Pai ashiba agi, iba ki tasenba ya 2011 küm yanglu tenzüker aser kiyong nung aliba nüburtem aser lokti tentet balala aser temeimertemi tenla agütsüba ajanga tembanga yangluogo.

Tanga kiyong dang nungi balaka kiyong nung aliba nüburtemi longjemmer iba ki yanglutetba atema pai nüburtem nem tenüngsang agütsü aser ashiba agi iba ya kiyong asoshi 'red letter day' ka lir ta ashi. Maneni pai, tarutsü nung maparen balala atema kiyong

nung alirtem ajak longjemmer nokdaksü aser NHC ya model colony ka kümdaksütsü atema longjemmer inyakyonga aotsü imlaba lemsatöp.

Sentong nungsa NHC Panchayat senyur aser building committee convenor Seyekhriezo Suohu-i, ki tasenba ya sen lakh 46.50 intoka yangluogo, ta metetdaksü.

Ki tasenba semzükba sentong ya NHC Panchayat secretary Kekhriengulie Khezhiie lenisüba nung agi aser NHC CRC pastor Rev Kehoullie Zatsu-i sarasademer tenzüker. Sentong nungsa Besüto Nienuken tajung ka aten, NHC Panchayat vice chairman Teisobou Sekhose-i lokti pela agizükba o jembi aser social & cultural secretary Salie Koza-i tepela anküp o jembia liasü.

CNTC-i legislator tem nem tetushi agütsü

Dimapur, Luroi/August 19 (TYO): CNTC-i 14buba Nagaland Legislative Assembly indang CNTC legislator tem nem tetushi agütsüba sentong ka August 18 nü Chümoukedima nung ayongzüka agiogo.

Sentong koba Capt GK Zhimomi, General Secretary CNTC lenisüba nung agi aser Ino L Yanger Imsong, Secretary CNTC-i mangaoka yua liasü iba sentong ya Senior Minister, Father's House Church

Global, Chümoukedima, Rev Robert Kikon-i temaotsü meshizüka sarasademer tenzüka liasü

Sentong nung okila CNTC tir Ino Khondao Ngully-i jembi aser legislator tem nem tetushi agütsüba sentong ya CNTC tatong tir Ino Hekhushe Shikhu-i achayanga agia liasü. Ao Senden, Lotha Hoho aser

Sumi Hoho tenüng nung Ino Chubawati Longchar, tir Ao Nagaland Legislative Assembly indang CNTC legislator tem nem tetushi agütsüba sentong ka August 18 nü Chümoukedima nung ayongzüka agiogo.

Maneni sentong nungsa Ino G Kaito Aye, Convenor CNLF & Minister, Roads & Bridges; Ino Imkong L Imchen, Co-Convenor CNLF & MLA & Advisor IPR, Soil & Water Conservation; aser Ino Y Patton, Treasurer CNLF & Dy CM, Home & Border Affairs nungeri

o tatsütsü jembi aser Ino Tokheho Yephthomi, Hon'ble MP Lok Sabha (Nagaland)-i sentepa aliba lokti ajungshi. Iba sentong ya lokti sarasadem ka agiba sülen tembang aser MLA Ino Nuklutoshi aser par kibongi renemja lokti chiyongba mapa liasü.

Phek DC-i senzüsenpongtsü atema tetuyuba agütsü

Dimapur, Luroi/August 19 (TYO): Phek Deputy Commissioner Kumar Ramnikant IAS-i sangdong ka ajanga, nüburtem tekümzükba kübok toktsütsü atema tetuyuba agütsüogo.

Iba tetuyuba ya National Highway 29 (NH-29) nung Kohima-Jessami lenmang (Package-II) kübok KM 30,220 (Kidima Road Chakhabama anasa) aser KM 53,474

(Kikruma yimtsü) tsüngda lenmang mejungi aliba dak sendakba nung agütsüogo.

Taoba anogo ishika ka tzunglu medanga kanga sashia aruba ajanga NH-29 nung lenmang aser talisa KM 29,600 nungi KM 51.5 tashi nung tesem balala nung anentsüh aluba aser long mezüzüka aluba ajaangshio. Iba amala tatalokbatem ya senzüsenponger aser nüburtem asoshi kanga lendong tulu lir.

Nüburtem kümzüka toktsütsü temulungdang yur Deputy Commissioner Kumar Ramnikant-i, NH-29 kübok iba section nung gari tulu tila khen atema mesenzüdaksüi atatsü asoshi tetuyuba agütsüogo.

Senzüsenpongertem dang Deputy Commissioner's office, Phek nungi osang tejangja ka magütsü tashi Zuketsu-Kidima lenmang amshia atatsü metetdaksüogo.



Green Earth initiative nung shilem ka ama Assam Rifles-i süngtong atemba sentong ka ayongzüka agiogo. Sentong kübok Mokochung, Longleng aser Mon district tem nung süngtong 15500 temogo. Pastor, yimtsüng lenirtem, GB, tetsürtem, Ex- servicemen tem aser wadang balala nung lenirtemi iba sentong nung shilem agi aser Assam Rifles nem iba mapang tajung asoshi tenüngsang agüja liasü. Kasa mapang nung lanurtem dang parnok tasoba anogotem nung süngtong kaka atemtsü ajungshia liasü. Iba teblilemdangba ya lanurtemi kanga junga agizükogo aser taruba putu tajungba ka asoshi jenjang tila ka agitsü nangzüka liasü.



August 19, 2023 nü Gandhinagar nung G20 health minister tem senden nung Union Health Minister, Mansukh Mandaviya-i 'Global Initiative on Digital Health' tenzüksüdang tangokba noksa nung angur.

Tarutsü nung wara nokdangtsü atema renema alitsüla: PM Modi

New Delhi, Luroi/August 19 (Agencies): Honibarnü Ato kilonser Narendra Modi-i, tarutsü nung health emergency mapang wara nokdangtsü atema alimai renema alitsüla, ta ashi.

Gandhinagar nung G20 Health Minister tem senden nung video link ajanga jembidang Ato kilonser Modi-i, alima tesem ka nung health tsütsü timtem adokba ajanga mapang tatsüka tsüngda alima tesem ajak kongshitsü akok, ta ashi.

"Asenoki telemtetba agibatem nung health ya tiyongtsü südaktsüsüla, ta Covid wara ajanga asenok nem nenshia metetdaksüogo. Iba wara ajangasa alima linüktemi mozü aser vaccine agütsüba

tsütsü amalitepa inyaktü mesüra nürburtem pei kidangi anir aruba tsütsü amalitepa inyaktü atema asenok dang sayuogo," ta pai ashi.

Nisung ajak nem healthcare agütsütetsü atema digital amshiba den külemi tasen purapiteta inyaktüsü kanga tongtibang, ta pai ashi.

Ano külen tanga osang ka nung, Honibarnü Ato kilonseri BJP 'zila panchayat' züngsemtem dang, 2024 küm tashi nung India ya terenlok aliba linük ka kümdaktsüsü atema yimtsüng, jila aser district ajak nung terenlok milen tsükloksüsüla, ta metetdaksü.

Video conferencing ajanga Gujarat, Maharashtra aser Madhya Pradesh densema state balala nungi Panchayati

Raj Parishad züngsemtem den jembidang Modi-i, 'sabka saath, sabka vikas' ya BJP atema yimyim ka dang masü saka iba ya atangji inyaktüsüla, ta ashi.

"Ni Gujarat Chief Minister inyakba mapa nung ni küm shia omen kaka shima liasü. Ni tetsür chanutem atema shisaliok omen shimba mapang nung police department, home guards aser doctor tem ajaki parnok mapa dak alia iba atemajia mapang terabo indoka inyaktüsü aküm. Ajaki pei shilem inyakba ajanga takok tulu angu," ta pai ashi.

Paisa zila panchayat züngsemtem dang küm shia project asem tongtibang süa inyaktü atema senden amentsüla, ta ayongzük.

Journalist Vimal Kumar Yadav tepsetba ken o nung nisung 4 puogo

New Delhi, August 19 (Agencies): Bihar kübok Araria district nung journalist, Vimal Kumar Yadav tepsetba dak sendakba nung nisung pezü puogo, ta Honibarnü police-i metetdaksü.

Arrshi küm 35, Vimal Kumar Yadav ya Hindi oshi nung adokba osangkaket 'Dainik Jagran' atema inyaker ka liasü; Hokolbarnü Premnagar yimadak pa par kidang lia nisung kari khaset.

Bihar police-i, iba tatalokba dak sendakba nung nisung 8 nem tai tonglokja lir aser tang tashi nung parnok pezübo puogo, ta metetdaksü.

Pua alirtemji Vipin Yadav, Bhavesh Yadav, Ashish Yadav aser Umesh Yadav.

Kasa tatalokba dak sendakba nung tai tonglokja alir Rupesh Yadav aser Kranti Yadav nabo Araria jail nung lir aser tai tonglokja alir ana tang tebushidak.

Hokolbar anepdang 5:30 ako meta nisung kari Yadav'er kishi akoshiba sülen pai kishi lapoktsüba mapang nung parnoki pa dak injang khaloktsü.

Iba tatalokba sülen opposition-i sorkar aija, iba tatalokba ajanga Bihar nung democracy lendong nung lir ta kuli sayur, ta metetdakja liasü.

Hokolbarnü Bihar BJP Tir, Samrat Choudhary-i, "Bihar nung ozüng alema inyaktertem sademsadema senzüba mapang nung osangbenertem aser police densema tai maket sensotem tepseter," ta aija liasü.

JDU lenir Neeraj Kumar-i, "Ghonda 24 tsüngda Police-i tai tonglokja alirtem puogo. Takoksa angur kibongi melung melemtemi alirtem tenung agütsüba sülen jail mita ao aser jungjunga bushisüngdanga liasü. Opposition-i ozüng alema inyakba tatalokba aitsüba dang masü saka iba (police-i aibelenertem apuba) ya-aa jembitsüla," ta metetdaksü.



August 19, 2023 nü Kolkata nung Indian National Trade Union Congress (INTUC) züngsemtemi Centre sorkar anema longkak aيتدang tangokba noksa nung angur.

Nisung ajaki social media kümdanga amshitsüla: Supreme Court

New Delhi, August 19 (Agencies): Supreme Court-i social media amshirtem dang media sabang balala kümdanga amshitsü metetdaksüogo.

Actor aser taoba mapang Tamil Nadu nung MLA, SV Shekher-i 2018 küm Facebook post ka ajanga tetsür journalist tem jashidaktsüba atema pa anema ken o ka benoka lir; iba ken o dak sendakba nung pai agütsüba temepeshiba ken o ka angadanga mapang nung Supreme Court-i nürburtem dang social media kümdanga amshitsü metetdaksü.

July 14, 2023 nü Madras High Court-i Shekher temepeshiba ken o ka magizüki obendang agütsüba anema pai Supreme Court nem temepeshiba ken o agütsü.

Justices- BR Gavai aser PK Mishra nati akümba bench-i iba ken oji angadanga liasü.

Supreme Court bench-i

Shekher atema ken o jembitsür advocate dang, "Nisung kati social media amshira ibaji ajanga tangar koma kongshitsü, ibaji meteta kanga kümdangtsüla," ta metetdaksü. Advocate-i Supreme Court dang, iba tatalokba anogo nungji Shekher-i pa tenük nung mozü ka inoka liasü ibayongji pai facebook post ka nung alibaji junga mezüngteti pai tangar den-a lemsatop, ta metetdakja liasü.

Tamalen high court-i, "2018 küm April 19 nü Shekher-i pa indang facebook account nung tangar jashidaktsüsüsa zülu, iba sülen Chennai Commissioner of Police nem tashishiba ken o ka agüja liasü," ta metetdaksü.

Iba dak sendakba nung FIR ka benokba den külemi Tamil Nadu tesem balala nunga nisung aikati pa anema ken o agüja liasü, ta high court-i metetdaksü.



August 19, 2023 nü Mumbai nung Maharashtra Chief Minister, Eknath Shinde-i Industrialist, Ratan Tata agizükdang tangokba noksa nung angur. Maharashtra sorkari tang mezüng 'Udyog Ratna' award Ratan Tata nem agütsüogo.

Tanü BJP Tir Nadda-i Himachal Pradesh semdanga tensa asadangtsü

New Delhi, August 19 (Agencies): Amongnü BJP National Tir, J P Nadda-i par state- Himachal Pradesh semdanga tzünglu dak sendakba lendong balala aser state tensa asadangtsü.

Himachal nung tzünglu maneni aruba ajanga tzümettsüng aser anentsüh lendong nung nisung 77 süogo, aser anentsüh lendong maneni atalokdar.

Nadda-i takoksa angur kibong kar ajurutsü, Shimla nung akhidang yangluba Shiva tekülem ki (tawa anentsüh agi raksatsüba tekülem ki) semdangtsü, pai Shimla aser Bilaspur na nung ketdangsertem ajurua teyari agütsüba maparen asadangtsü.

Tawa Shiva tekülem ki chirepba lendong nung nisung 16 süogo.

Nadda-isa tawa Sirmaur district kübok yimtsüngtem semdanga tsüngi lendong nung asür (5) kibongtem semdangtsü, ta BJP-i metetdaksü.

Hokolbarnü Shimla SP, Sanjeev Kumar Gandhi-i, state nung tang tashi nung nisung 77 süogo; iba nungjagi nisung 23 bo Shimla kija nung anentsüh lendong balala asem nung asüba lir, ta metetdakja liasü.

Himachal Pradesh sorkari tzünglu ajanga teraksatsüba tulu ajangshiogo, anungji iba ya 'state lendong' lir, ta sangdongogo.

Hokolbarnüa Summer Hill nung aliba Shiva tekülem ki chirepba jana nungi tasümgang asem ngutetogo; aser ibaji densemabo iba lendong nung asür ajak senteper 16 jungogo.

Taoba Amongnü nungi tenzüka state nung tzünglu maneni aruba ajanga Shimla densema district aika nung anentsüh lendong ataloker.

Chief Minister Sukhvinder Singh Sukhu-i, kümzükba maparen maneni inyakdar aser state sorkari lendong agi kongshiba kibongtem, talisa tzümettsüng aser anentsüh agi ki raksaba ajanga takoksa angur kibongtem yaritsü, ta metetdaksü.

Chief Minister-isa, tzüngluruwa mongpu tenzüka sülen state nung sen crore 10,000 shi jenjang takoksa nguogo, ta metetdaksü.

India Meteorological Department (IMD)-i August 21-22 anogotem nunga district 10 nung tzünglu sashia arutsü, ta tekümdangtsü metetdaksüogo.



TIR YIMYIM YIMOBILEM (EDITORIAL)

DIMAPUR AMUNGNÜ, LUROI(AUGUST) 20, 2023

Peisasa pei uluba

Tanü asenok Khristan taküm ka nung ajurutsüba lendongtem rongnung kaji, Tsüngrem tashi aser taochi agi moatsüba madak peisasa pei uluba aser peisasa pei metetba aser pei tashi agi inyaktet ama bilema ngasangatempa mapatem asütsü. Akhidanga, Asiria nunger chubatemi yamaji bilem. Asiria nungertem ya tashimait tangar kübok aliba kin ka liasü. Ajisüaka, Tsüngremi Israel nunger merenshitsü atema parnokji amshi. Tsüngremi Asiria nunger chubatem nem Yihuda aser Israel nunger kintem amaktsü asoshi tashi agütsü, anungji alima kümsük BC 740 nungi 701 tashi nung parnoki Israel nunger chuba yimli aika maktet. Aji oda, Asiria nunger yimli merena aküm aser parnok yimlitemji azükaru. Ajisüaka, Tsüngremi parnok koma talila moatsü, yamaji parnoki parnok dak tali temulung lema adok. Panoki takok aser temoatsüji Tsüngrem nungi arur ta kenyongi mebiletmet. Aji oda, kodang aluyimertemi alu nung junga züsentet, Tsüngrem nem tenüngsang agütsütsü melen, parnoki alu ayimba yimya junga metetba agi alu ajunger amai bilem. Aji oda, rara nung takok anguba mapanga parnoki Tsüngrem nem masü saka parnok sepai tanishirtem nem dang tenüngsang agütsü. Aji oda, kodang Asiria yimli nung yimjiyimjung liasü, idangji parnoki Tsüngrem masü saka parnoksasa parnok sanga jembi. Ajisüaka, kodang Tsüngremi Asiria nunger chuba aser nübortem ngasangatempa angu, Pa jashia adok, anungji Tsüngremi parnok laodaktsü. Tsüngremi Asiria chuba nem tashi agütsür tongpang aika kokdaktsü, ajisüaka kodang pai iba takok madak asükümtsü tenzük, Tsüngremi ashi, " Süng alenba poi peisasa pa madak asükümdi ma ? Mesüra süngratsüi peisasa uludima ? Merang ajoki, shibai pa mekanga atur, paji anema pasasa apuso ama mesüra süng ajoki paji süng masü ama ajungket ama asütsü." (Isaia 10:15.) Atangji, aiben asenok asoshi timtema mesüra sensaka alibaang tajungba amato bilemer, kechiyong asenok kaa-itta alidang aser takok manung jangratema pelatepdang asenoki Tsüngrem amadoker saka timtem aser shisabolu ajanga asenok Tsüngrem anasai bener aor. Kodang asenok tebok sünga lidir aser takok nungi takok ngua odir, asenoki Tsüngrem menüngdak amai bilemer. Ajisüaka, Tsüngremi ashi ama, asenokji po aser süngratsü ama dang, ibaji kiburi arua mamshi tashi po aser süngratsüji tagidak makatsü. Nisungi pa nüngdak nung amshitsü po aser süngratsü yanglu ama, asenok taküm ya Tsüngremi pa nüngdak nung amshitsü yamgluba osettem lir. Aji oda, kenken asen taküm ya Tsüngremi tangar moatsütsü asoshi amshitsü akok mesüra tangar merenshitsü atema amshitsüa akok. Asen taküm nung Tsüngremer nükjidongji yamaji lir. Aji oda, asen taküm aser kibong azükarudang aser asen mapa nung takok angudang, Tsüngrem dang, " Tsüngrem, kechiba aser kechi atema ni mesüra ozü yamai moatsür ?" ta asüngdanga Pa nükjidong angatettsübaji kanga tongtibang lir. Aji mesüra, Asiria nunger chuba amaji, kenbo asenok sentsüwangshia alir ama asütsü, mesüra kenbo asenok yimjung nung molamoshia alir ama asütsü, ajisüaka itemji manger sangwa nung samatsü. Aji oda, Tsüngremi kasa Laishiba Isaia 10: 16 nung ashir, jangratema takok manung aliba nokinketer dangi tashidak yoktsü aser pa sentsüwangshiji samatsü aser takaba ajak kenüyongi rongdoktsü. Iba kasaji Laishiba nung atalokba otsü aika lir. Tsüngremi alima nung alir nisung ajak dang nungi Samson nem tashi tuluba agütsü, ajisüaka kodang pai iba tashiji pasasa angur ama pai bilema amshi, pa tangar kübok alar aküm. Tsüngremi Saul chuba Israel nunger madak mezüng chuba kümdaktsü, saka kodang Tsüngrem tanüla pa dak nungi pila, pa yiar ama kümadak aser pasasa pai telemtetba kecha magitet. Asenok kanga kümdangdi. Asenok taküm, kibong aser kin nem kechi temoatsü aser tashi agüja lir, ibai asen Teyangluri Pa nükjidong ka ataloktsü asoshi amshitsü moatsü ta mamali.

OLEMSABANG

TEMESEPBA YI ASER DRUGS TANG MASÜ NÜKTAPANGTA, AOUYABA AJAK TETEPSETBA

~ Süpongungsang Longkümer,
Darogapathar Dimapur

Kü tebilemba aser tangatetba kar lemsatepber asenoki nükjitong orenji tang masü saka ano arogo nung Tsüngrem dak temulung melemtetba oset kechisa amshir item ajak jagi süngyanglu külemba ten mepila ta angatetter aser iba ama mapa agi Tsüngrem tanüla asenok mesemtangtsü ta ni kuli mesür. Ao o nung ratettsüba temaitsü ajenba Ja tapu 6 : 7,8 Kodang temaitsü ajenba pezüpubaji pai lapok (Yisui) taküm shiruru pezübuba olai ya shia ni angashi (Yohani) "Arung"N irepranga yok aser idakji Kor pulapular ka liasü. Iba nung amenba tenüngji TASÜBA liasü. Aser tasü yimi pa sülen anidak aser Nok agi, Ayawara agi, Tashidak agi, aser Arem Shiruru agi alima shilem pezüsü nung shilem ka tepsettsü asoshi parnok nem tashe agütsü. Nok jagi hadir ajak atema nokdaker ta angatetter tesüiba tejen putu metetshili, tanü putu nung hadir palala agi nisung samatsüba mezüngmatsü, Alima kin tulu aika nungi bei talidak ki toktsür rong nungi tzüyim ajanga jenokdak pushir chiyongtsü maka nongzürtem alima aikati chiyongtsü agütsür saka talidak magütsüteter aika samadake. 2020 nungi 2022 aser tanga tashidak wara agi asürtem taremdak maka ayong nung aser tzüyim nung inoktsüba ngua aruogo iba ten tanü arogotem nung Tenlaki rongdoktsüba, kristantem tepsetba jendi lir. Tanü tensa nung temenen asentenshi ulura jangrua adokdake. Kari yi ayok nung tang Nagaland sorkar sen angutsü ta saka temesepba mayoktsü nüpur tangatetter agi shebang nung sun flower brown sugar aser mozü tapu palala agi alima sünga lanurtem samadake Ayawara, tashidak wara temasepba yi aser mozümura agi asüba temaitsüji Kor pulapular ka anguba tetezü sentsü remzüka or zükklazükla aliba purtem lir. Tashidak waratemji kong nungi adoker ta pushitangra Tsüngrem o agi anünpabur lir ta angatetter. . 1995-6 tashi nung Ungma arogo nung amognü tekülem sentep ana liasü. Mezüngpubaji tanur tain ajak külemi Tsüngrem külemba Devotional sentep liasü aser tanapubaji Sunday school sentep liasü. Tila tanur aeir asangur ajak bei classi yok aser tsürapor ten aeir asangur teintet ajak tenla kidang Sannükeri senior class lessonji. Apj 7: 1 nungi Kü chir, kü o benshiang; aser ni nü tang melabatem rizünga yuang 2 Ni melabatem benshiang aser taküm liang; aser kü ozüng nü nükjang ama yuang Ap 13 : 24 Shibai bei arütsüng sota ayur pai bei japasu sembar saka shibai pa meimer pai pa nendaka arütsür. T ken 23 : 1-kibuba kü Sannüker ni kecha agia manüngtsü iba ama Lai class nung akia sa arua liasü. Ken mapang tanur ka tasüyipden nung shiranga alitang tanur jagi kibuba kü sannüker ni kecha agia manüngtsü pai ni rem lanu rongnung mejangdaktsür ta yipden nungji zünga alitang teboi asanguba dangji tepu na- a lai aji shibai sayuba ta asüngdangtang ni ya Sunday school nung angazükba ta langzü idangji teboji jepba temulung meyip saka tanurji asü. Tanur asübaji kanga tesusatsü ama saka tanurji kümzüker liasü aser tebojia temulung meyipba kümzük iba tebo ya X Sannüker ka liasü. Taküm aliba tongtipangji temulung meyipba kümzükbaji lir. Shibai metet yamaji Tsüngrem tenzüker wadang tebilemetsü agi bei chir dak temulung magütsütet aika alitsü akok. Sunday school azüngertem theology azüngtsü atema teyari tulu aliba ajangshia aruogo. Sunday school tesayur aikati ajangshia alitsü südi Beginner class nung tila tanurtem dang oja oba nenok kidang sarasatem akir makir ta asüngtanga parnoki langzüba dak ajemdaker Yisu lanuwa otsü parnok dang shia aser Yisui ni meimer o ya Laishibai sayur tilatemji pa meyong pai paronk len aniba item ken tena class tenzüker, ano temaba class tanur karipo kübo o kütsüna onok sarasatem kodanga masür küboi yi ajemer kütsüia Sali sentepi motanger, tena raraa tang alir anungji parnok asoshi sarasatemjang ta tanur temulung shirangba ajurua tanurtemji meima bilem aruogo. . Tanü yi jemertem mozümora achirtem Sunday schooli otangertem karmo alitsü akok saka timbaka Sunday school memetetba aeir asangurtem lir ta angatetter. Kor pulapular kati sangoktsüba sang nungji metsüktsü asoshi arogotem nung tebilemetsü tulu lir ta tanü tensa lemsatepber.

**Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazünger angateta agitsü mepishir**

Pakistan linük tesem balala nung Khristantemi longkak aiter



Pakistan nung Muslim nungertemi Tenla ki aika rongdoktsüba anema Karachi nung Khristantemi longkak aيتدang tangokba noksa nung angur.

August 19, 2023: Anogo asem tejaklen Pakistan nung Muslim nungertemi Tenla ki 21 rongdoktsüba aser Khristan meyong ki 300 raksatsüba sülen linük tesem balala nung Khristantemi longkak aitba manener.

Karachi nung tongti putir, Benny Travas-ia August 18 nü yimti nung aliba Press Club nung sentong ka ayongzük aser right-wing Jamaat-e-Islami party den senden amen.

Iba senden tembangba sülen osangbenertem den jembidang St. Patrick's High School, Karachi nung rector, Mario Rodrigues-i, "Onoki Islam putirtem dang onok mepelaba ajak metetdaksüogo," ta ashi.

Nütsüng million 230 aliba Pakistan linük nung nütsüng shilem 2 shi dang Khristantem lir.

Pakistan nung Khristan anati Islam yimsü temeshi kaket Koran shisatsüba ajanga Tsüngrem atalaogo, ta tai tongloktsüba sülen Muslim nungertemi longkak aيتدang Tenla ki aika raksatsü.

Rodrigues-i, iba tatalokba sülen teti benshia aruba yimtenren lenirtem aser sorkar ketdangsertemi item tatalokba aitsüba den külemi tesem semdangogo, parnokisa Khristantem nem ochi temeden agütsütsü ta nangzükogo, ta metetdaksü.

"Ajisüaka yimten lenirtem aser ketdangsertemi nangzükba ama meinyaker aser tatalokba ajak amadoker," ta paisa metetdaksü.

August 20 nü Pakistan south tsütsülen aliba Arogoi fund-raising campaign ka agitsü aser iba nungjagi sarutetba tenlaji ajanga August 16 nü Pakistan nung Punjab province kübok Jaranwala yimdak takoksa angur Khristan kibongtem yaritsü.

August 17 nü Karachi Press Club nung Khristan 600 shi adenshia Kangki

amer longkak aita liasü. Khristantem jagisa Raja Umar aser Rocky Masih na densema Tsüngrem mezüngmeshiba ozüng kübok tai tonglokja pua alir Khristan ajak chioktsü takhangba agütsü.

Quetta nunga Christian Council Balochistan-i Press Club nung longkak aita liasü. Iba sentong nung jembidang Khristan lenir, Samina Mushtaq-i, "Asenok ano mapang kobika timtemtsü? Yimsüsürtemi nütsüng teimba (Muslim nunger) pusemba ajanga minorities aliba tesemtem amaktsü atema lokti tasü tali itdaksür," ta ashi.

National Christian Party-i ayongzükba sentong nung jembidang laisa Tsüngrem mezüngmeshiba ozüng kübok pua alir Khristan ajak chioktsüla, ta takhangba agütsü.

Lahore nunga osangbenertem senden nung Lahore nung tongti putir, Sebastian Shaw den külemi jembidang Pakistan Ulema Council (clerics' body) chairperson, Tahir Mehmood Ashrafi-i Chief Justice of Pakistan dang Tenla ki amakertem, auyartem aser Jaranwala yimdak Khristantem meyong ki raksatsürtem nem temerenshi agütsütsüla, ta ashi.

August 17 nü Pakistan Catholic Bishops' Conference Tir, Joseph Arshad aser Multan nung tongti putir Yousaf Sohan nati Muslim nungertemi raksatsüba Tenla kitem semdangba sülen yimdaklir Khristantem den külemi yimjung atema sarasadema liasü.

August 17 nü Lahore nung Khristan 200 dak temai teka nung lisü tanak mesür longkak ait. Osangbenertem den jembidang Lahore nung aliba Sacred Heart Cathedral youth wing Tir, Mohsin Kashif Pasha-i, "Onoki tanüngba putirtem

danga Jaranwala yim semdangtsü mepishir. Linük tesem ajaklen Arogoi lapokba school tem shibangtsüla," ta ashi.

August 17 nü Punjab caretaker Chief Minister, Mohsin Naqvi-i, "Tangsa Tenla kitem aser Khristan kitem ajak yanglushitsütsüla. Item ama tatalokba ya Islam yimsü alema lir aser ainkar Mohammad tesayubatem anema lir," ta metetdaksü.

Tang tashi nung police-i Anti-Terrorism Act kübok nisung 34 aser mejangjaba nisung 600 anema ken o benokogo aser tang tashi nung nisung 128 puogo.

Ano tanga osang ka nung, Pakistan police-i Koran kaket raksatsür adianu Khristan ana puogo, ta Hokolbarnü police otongdar kati metetdaksü.

Police-i ashiba agi, lenmang nung Koran kaket nungi shizükba tapak kar angu aser pencil temerem agi o tamajung zülur liasü.

Tai tonglokja aliba Khristan ana dangji asüngdangyatsü atema police ket nung anogo tenetnü ayutsü court kati tuyuogo, ta ketdangser kati metetdaksü.

Pakistan nung T s ü n g r e m mezüngmeshiba ozüng kübok aitsürtem nem tasüba temerenshi-a agütsütsü akok, ajisüaka tang tashi nungbo shinga nem-a tasüba temerenshi agüja mali.

Koran kaket raksatsüba anema longkak aيتدang Muslim nungertemi Tenla ki aika den Khristantem meyong ki noklang aika raksatsü.

Longkak aiterem jagisa Khristantem lepera ka raksatsüogo.

Longkak aiterem jagi Khristantem kidang nungi osettsüset kima agizükba sülen rongdoktsü aser tagitarutsü osettembo auyar ao, ta Khristantemi metetdaksüogo.

ANO GO ABEN TSÜNGREM DEN

TAKÜM NUNG TEINYAKTSÜ ASEM

"Metsü mapang azümeseneri alu malatsü..... nisung mulungjang nükjidongji tzü tarok ama lir: Saka tangatetba nisungi aji agitettsü. Nisung timbai pei yimlibilem indang sangdongisü; saka temulung lemtetba nisung shibai bushiteter." ~ A. Shin 20 4-6

Ajaki sentoka yutsübaji, azümesenba, mulunglemtet makaba aser tema tazütsü. Tanü lai nung ashiba ya, ajaki meteta aser angashia aliba O lepsi ka ama lir- saka aiben asenok meimchir tem item yimya asem nung asonger madokteter.

Azümesenba: Management firms mesüra business balala nung mapa meranga inyaker-a mungutetba indang jembiba asenoki angashir. Kari ashir, nisungtemi joko mapa meinyaker, aser ano kari ashir, 'Teyariteper tajung angutsü kanga sak-a kümogo'. Meimchir aikati, taküm libaliro koda sür mela mela alitsü aji dang merangerteper. Anü alemba, azümesenba taaji kenübo asütsü ta ajaki bilemtettsüla.

Tema tazütsü dang: Lai O-i asen shisatsü aser temulungjang nung nükjidong tzü tarok nung rema aliba bushiteta amshitsü ajungshir. Shisa makar aser tema tazütsü asoshi dang inyakeri iba nükjidongji kodanga aroka mebushitettsü.

Temulung melemtettsüsa litetba: Asen medemer, apu-ani, kibong aser Arogo den na tesentaktep tajung yua kar ta ashitsüji melamelar. Saka aikati, temulung melemtettsüsa litter. Mapa nung, shisatsü aser tebilemba ajak nung tangari ne dak temulung lemtettsüsa liang. Aji süra ne taküm dang masü saka na meketa aliba nisungtem ajak temoatsüba asütsü.

Kibuba ki tashi mait asoshi ki dang tokangma. Amen

Uttar Pradesh nung pastor asem apu

August 19, 2023: Uttar Pradesh nung pastor asem aliba kiyong nung sarasadem densema Khristan pongui sentong ayongzükba agiba tangartem Khristan yimsü dangi meyipdaksütsü atema mesüzüker, ta tai tonglokja apu saka bail nung chiokogo.

August 15, 2023 nü Police-i Jaunpur district kübok Rajjupur yimdak Khristantemi tangartem tamangba yimsü meyipdaksür, ta tai tonglokja tetsür 19 densema nisung 37 anema ken o benoka liasü. Iba sülen pastor asem densema nisung pongu pua sub-divisional magistrate matsüngdangi anir ao, ajisüaka kasa aonungjisa parnok bail nung chiok.

Police-i ashiba agi, Independence Day nü Rajjupur yimdak tongti yimsüsür, Saurabh Saroj-i parnok dang, Khristantemi sensakertem mesüzüka Khristan yimsü dangi meyipdaksüdar, ta osang metetdakja liasü.

August 18, 2023 nü osangbener den jembidang Pastor Dinesh Kumar-i, "Independence Day anogomong nung Khristantemi

Rajjupur yimdak Dalit nunger aliba kiyong nung sarasadem sentong ayongzükba agiba mapang nung police arua nisung pongu apu," ta metetdaksü.

Pastor-isa, "Yimdak Amongnü anogotem aser tongtibang anogotem nung Khristantemi sarasadem sentong ayongzükba ya tang tasen masü. Onoki kiyong nung shinga nem-a timtem magütsür aser tang tashi nung yimdaklir shingaia ibaji mashishir, ajisüaka ajungbena police aruba ajanga Khristantem aoksa," ta metetdaksü.

Pastor Kumar-i ashiba agi, taküm February ita nung police den Hindu yimsü alia amanger kar par kidangi aruba sülen tetsür asem densema nisung 16 pua liasü. Pastor Kumar anogo pezünü pua ayuba sülen bail nung chiok saka anti-conversion ozüng kübok pa anema benokba ken o maneni angadangdar.

Uttar Pradesh Prohibition of Unlawful Conversion of Religion Act, 2021 ozüng kübok state nung Khristantem nem tai tonglokja apuba tatalokba aika lir.

**AO OSHI ANGAZÜKDAK:
TANÜ ANGAZÜKTSÜBA OJANG**



Ruru

(n) kanga chidenchiraba (satiety, keep eating)

* Tanur asüba mapang tebang kanga **rurur**.

Rutetruteta

(adj) alakteta junga inyaktetba (done well distinctively)

* Aor chanubo mapa ajak nung **rutetruteta** asütsüla.

OLONG PAITEP # 6611

| | | | | | | | | | |
|----|--|---|----|----|--|----|---|----|---|
| 1 | | 2 | | 3 | | 4 | 5 | | |
| | | | | | | | | | |
| | | | | 6 | | | | | 7 |
| | | 8 | | | | | | | |
| 9 | | | | 10 | | 11 | | | |
| | | | | | | | | | |
| | | | 12 | | | | | 13 | |
| | | | | | | | | | |
| | | | | | | 14 | | | |
| | | | | | | | | | |
| 16 | | | | | | 17 | | | |

TIPLÉN

- 1. Nisung jenti - (5)
- 4. Tsük nudenba - (5)
- 6. Temzüng tesashi - (5)
- 8. S_ _ _ i - (3)
- 9. Nisung rongnung telemsa - (3)
- 10. Anogoshi - (4)
- 12. Ajanga aor - (4)
- 13. Tsük rizüngdak - (3)
- 14. Tebang nungi adokba - (3)
- 16. Süngdong tatemangliba - (5)
- 17. Meputep - (5)

LANGTSÜNGLEN

- 1. Tenük telong - (9)
- 2. Committee dang ajar - (5)
- 3. Yagi ki okdoker - (7)
- 5. Yim lenmang - (5)
- 7. Temoatsü keter meyipa aruba - (9)
- 11. Kanga junga menemba - (7)
- 12. Kenyongi majinü - (5)
- 13. Rong kanga tulu - (5)

OLONG PAITEP # 6610 TELANGZÜBA

TIPLÉN :

- 2. Senmang, 5. Sayatenya,
- 7. Süsübonger, 11. Nükjidong,
- 13. Shilong.

LANGTSÜNGLEN :

- 1. Tesü 2. Sayu, 3. Ain, 4. Tului,
- 6. Tezü, 7. Senti, 8. Oshi,
- 9. Aong, 10. Agir, 12. Kwi.



PARATROOPER TRAINING :

Indian army nung paratrooper regiment nung nisung tenem training agiyonga arur joko shitakba aeroplane 50,000 ft nungi pongüka alutsü instruction ajak agütsür külen.

Instructor : Jawantem, nenok ajaki kanga meranga training agiogo, Joko shitakba para-jump asütsü minute ishika dang lir, tasü itang, Kari langka asüngdangnera mapang agütsür

Pahelwan Singh : Sir, ni pongzükdangji kü indang parachute ji melapokra koma süla?

Instructor : Yamaji süra nü Tsüngrem dang tatemangba sarasademangma!

- Lilir : WhatsApp

Tanur asoba anogo nung salem osang den noksa angati adokdaksünüra - Tenüng, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimyim@gmail.com nung yokang mesüra Tir Yimyim bureau tem nung agüjang.

MNF-i maneni sorkar akümtsü: CM Zoramthanga

Aizawl, August 19, 2023

(Agencies): Taruba assembly election nung Mizoram National Front (MNF)-i takok angutsü aser "safe" seat 10 lir ta Mizoram Chief Minister Zoramthanga-i ashi.

Taküm küm tatemlen Mizoram nung züngsem 40 agi akümba assembly election agitsü sentong lir.

"Assembly constituency 40 nungi tang onok safe seats 10 lir aser item menden nung opposition mali" ta CM

Zoramthanga-i ashi. Mizoram assembly nung MNF MLA 27 lir aser main opposition ZPM MLA 7 lir. Maneni Congress MLA 5 aser BJP MLA ka lir.

Yaküm December ita K Beichhua-i minister menden nungi sodi agi aser iba sülen pa MNF nungi anentsüogo.

"East Tuipui, Khawzawl, Saitual, Lengteng, Kolasib aser Serlui constituency tem nung opposition party temi takok mengutettsü. Aizawl nunga

parnok tashimait kümogo" ta chief minister-isa ashi.

Opposition Zoram People's Movement indang policy shitak mali, ta paisa shisem.

MNF-i maneni sorkar akümtsü kechiyong opposition-i mapa balaka meinyaktettsü ta Zoramthanga-isa metetdaksü.

Züngsem 20 agi akümba Election Commission of India (ECI) telok kati August 29 nü Mizoram semdangtsü sentong lir.

Myanmar nungi Meitei nunger 212 anir aru

Imphal, August 19, 2023

(Agencies): Meitei nunger 212 tashi Myanmar nungi anir aruogo aser parnok pei pei kidangi yoktsü ta Manipur sorkari metetdaksü.

May 3 nü lendong atalokba sülen parnok pei talidak toktsür Myanmar nung oa jenokba liasü.

"Onoki yasüng osang tajung angazükogo. Manipur nungi Meitei nunger 212 arrtsü adena orr jenokba kidangi meyipa aruogo. Manipur senso 212

India-i tanaben aruogo aser parnok Moreh nung aliba Assam Rifles camp nung anenzüka lir. Iba ya osang tajung lir" ta Sagolband MLA Rajkumar Imo Singh-i ashi.

"State sorkari parnok ajak pei talidaki yoktsü. Iba ya Moreh nung dang masü saka state kübok kinük ajaklen atema lir. Kiojen raksartem atema fabricated houses yanglutsüdar" ta MLA Singh-isa ashi.

"Külem India senso 212 (Meitei) nunger ajak Myanmar

border post ajanga anir aruba atema pelar. Indian Army-i Meitei sensotem anir aruba atema tenüngsang agütsür" ta Manipur Chief Minister N Biren Singh-ia yashi metetdaksüogo.

"Indian Army-i parnok anir arutsü atema bendanga agüja inyakba atema pelar. GOC Eastern Command, Lt Gen. RP Kalita, GOC 3 Corp, Lt Gen. HS Sahi aser CO of 5 AR, Col. Rahul Jain nunger dang kangasa pelar" ta Manipur Chief Minister-isa ashi.

APPSC question paper atema Commission ka tentet

Itanagar, August 19, 2023

(Agencies): Arunachal Pradesh Public Service Commission (APPSC) indang question paper temai adokba ken o atema Arunachal Pradesh sorkari one-man commission ka tentetogo.

Retired Justice P K Deka-i aniba Commission ajanga April 2014 nungi August 2022 tashi APPSC ajanga ketdangsä agiba exams balala bushisüngdangtsü.

APPSC-i agia aruba tatidang aika nung question paper temai adok ta nübortermi tai tongloktsüba ajanga state sorkari commission tentet.

APPSC examinations nung question paper temai adokba aser tim masüba ken o tem bushisüngdangtsü atema Commission tenteta mapa

nungloktsür, ta Chief Secretary Dharmendra-i sangdong nung shia lir.

Commission-isa ketdangsurtem aser recruitment process nung sendaktepa alirtemi metokmeperi inyakba bushisüngdangts, ta sangdong nungsa shia lir.

State sorkarisa APPSC dang Commission nem secretarial, logistics aser tanga teyari ajak agütsütsü tetuyuba agütsüogo.

APPSC assistant engineer (civil) examination nung candidate Gyamar Padung-i yaküm August 29 nung police tsüngdang ken o ka benokba ajanga question paper temai adokba yimjak nung meteta aküm.

Iba ken o ya mezüngbo Capital police ajanga

bushisüngdang aser iba sülen state police Special Investigation Cell (SIC) aser CBI ajanga bushisüngdang.

Iba ken o dak sendakba nung tang tashi nung sorkar mapa inyaker 39 dena nisung 46 puogo.

APPSC teblemstsü atema telok kati takhangba 13 agütsüba ajak inyakogo ta Chief Minister Pema Khandu-i ashi.

"Item mapa inyakbatem indang osang yakta yimjak nung metetdaksütsü. Jungjunga bushisüngdangtsü atema ozü sorkar aser CBI yariteptsü" ta pai ashi.

Iba ken o nung Enforcement Directorate (ED)-ia shilem agitsü atema shidi ka zülüogo ta CM Khandu-isa ashi.



August 18, 2023 nü Kamjong district kübok Thowai nung "Kuki village volunteers" asem tepsetba atema magisterial inquiry asütsü tetuyuba ka agütsüogo. Par asem ya Jamkhogin Haokip (26), Thangkhokai Haokip (35) aser Hollenson Baite (24) nunger ta jangjaogo. Kamjong district deputy commissioner Rangnamei Rang Peter-i bushisüngdang asütsüba osang metetdaksü.

China-i military drills ayongzüka agia Taiwan amokmeren

Beijing, Luroi/August 19 (Agencies): Anogo ishika ka tejakdang Taiwan Tatong Tir William Lai-i United States semdangba sülen asetkong nung nüjiso atema nokdakertem nem tekümdangtsü metetdaksütsü atema China-i Taiwan meketa anüing aser tziyüm nung military exercise balala ayongzüka agiogo.

Iba dak sendakba nung Taiwan-i Honibarnü ashiba agi, iba drill ayongzüka agiba ajanga military tsütsü Beijing tebilemdangba sayur aser China nung sepaitem kanga junga meita atatsü atema rara dang amshiba tayimtsü, navy rongtem aser ali nung amendaker aliba missile system tem nem tetuyuba agütsüogo.

People's Liberation Army indang Eastern Theatre Command yagi Taiwan temeket nung inyakyimtem achaayanger aser parnoki Honibarnü sangdong ka ajanga ashiba agi, Taiwan temeket nung parnoki rara asoshi renema atatsü atema navy aser tayimtsü tem koda renema ali aji asadangtsü atema drill ayongzüka agiogo.

Eastern command-i ashiba agi, iba exercise ya anüing aser tsüyüm aziüoktsü atema rong aser tayimtsü tesendaktep tendangtsü aser raratsü atema koda renema ali aji tendangtsü nükjidong nung ayongzüka agiogo.

"Patrol aser exercise tem ya bendanger den longjemer Taiwan nüjiso atema nokdakertem aser parnoki

rongshiba asoshi tekümdangtsü metetdaksüba ka lir," ta eastern command otongdar kati Xinhua news nem metetdaksü.

State broadcaster CCTV sangdong ka ajanga ashiba agi, missile bena aliba rong aser fighter jets tem iba drill nung densema liasü aser unit balala Taiwan temeket nung sendaktepa inyaksangshiogo.

Kasa mapang nung Taiwan indang defence ministry-i iba drill ayongzüka agiba ya aitsüogo aser ashiba agi, parnoki tensa den peta sepaitem yokogo shirnok dak linük kümzüka ayutsü atema tashi, temyulungtetba lir.

"Tang military exercise ayongzüka agiba ajanga Taiwan Strait nung yimjung raksatsüba dang masü saka military tsütsü China indang tebilemdangba sayur," ta ministry-i sangdong ka ajanga metetdaksü.

Iba sülen mapang tatsüka lir ministry-isa, drill nung China nung tayimtsü 42 aser rong ti densema liasü aser tayimtsü 26-i, Taiwan Strait lemdangba median line adena inyaksangshia liasü, ta ashi.

Taiwan indang tayimtsütem, ali nung amendaker aliba missile systems aser navy indang rongtem iba drill meita atatsü atema yokogo, ta defence ministry-i social media nung sangdong ka ajanga metetdaksü.

Taiwan Tatong Tir Lai, shiba taruba election nung linük Tir akümtsü imlar, pa US nungi Hokolbarnü meyipa aruogo,

kong pa Paraguay-i aodang aser meyipa arudang anenzüka liasü.

Taiwan indang ketdangsurtem aser ken o asadangertemi ashiba agi, Lai-i US nung anenzükba atema China-i taruba küm Tir election magi tsüingda Taiwan nung voter tem amokmerentsü aser parnok nem rara tsübudaksütsü nükjidong nung iba hopta military drill ayongzüka agitsü akok.

Lai-i US semdangba mapang China indang foreign ministry-i, Taiwan nüjiso atema nokdakertemi US semdangba ya parnoki khenyongi magizüker, ta ashi.

Taiwan Foreign Minister Joseph Wu-i Honibarnü China-i military drill ayongzüka agiba dak sendakba nung, kidanger-i masü saka Taiwan nung lisopurtemi taruba election telemtetba agitsü, ta ashi.

"China-ia election ayongzüka agitsüla; nüburtemi pelashishia agizüksü ta ni amanger," ta pai social media platform X nung zülutsü.

China-i Taiwan ya parnok meyong ta ashir aser nungdang dang süra tashiyim agi agitsü ta shia arudar. Tawa Taipei aser Washington na tesendaktep taliba küma aoba dak sendakba nung China-i iba asetkong meketa military inyakyim tali benoka inyaksangshidar.

Taoba küma August ita taoba US House Speaker Nancy Pelosi Taipei-i semdangba sülen China-i Taiwan temeket nung military drill tem ayongzüka agia liasü.

SÜR KÜM KAAJUNGBA MENÜNGRA BILEMTETER



Tasoba: 16.11.79

Tasuba: 20.08.22

LATE TZUWASOSANG (Longmisa)

Temeim oba, na tanü anogo onok ajak süngjema aliba mapang nai akümüli tongpang ajak koker na teti anisüngzükdaki or tanü küm ka ajunger saka nai nü shilem nung koda tasü-ita temeim mapa agi timtem jenti arema onok asoshi nai litet, item mapatem onoki nükla dangi arur aser menungra bilemteter aser ibaji onok mulung nung teti lir.

~ Temeim Kinungtsü, Chirnur aser Kinungertem.

Molungnen O

"Kechiyong asenok taküm lira, asenok Kibuba atema taküm alir; aser asenok süra, asenok Kibuba atema asür. Anungji asenok süaka, mesüra taküm liaka, asenok kibuba meyong." ~ Rom 14:8



Onoki teti dang meima aliba obala **IMLIBENBA JAMIR** August 12, 2023 nü iba akümüli wadang tembanger teti tatem makadak' alitsü asoshi aoba anogo, kinunger, medemer, Arogo, Lokti tentet balala, külem mapang inyakerem, kiyongertem aser temeimertem shirnokisa onok nongita yariogo nenok ajak dang tebang agi ashitsü makokba tepela lemsateper. Nenoki onok nongita yariba, anisüngzüktsü o lemsatepba aser alirongsen aser nübu agi yaritepba ajanga kübo aser ozü kibong asoshi Tsüngremer temaotsü aser pa sentong tali tajungba jangjatsü asoshi teyari agütsüogo.

Mangyim jashi nung aliba mapang shirnokisa onok nem teyari agütsüogo nenok ajak dangi tsüngtong arua tepela melemsatetba atema sasa bilemer, ajisüaka teyanglur Tsüngremi nenok ajak nem temoatsü molamoshia maotsütsü ta onok sarasadem.

~Temeim Kinungtsü, Chirnur aser Kinungertem.

Egypt Tir el-Sisi-i activist Douma nem taitok agütsü



Abdel Fattah el-Sisi

Cairo, Luroi/August 19 (Agencies): Egypt tir Abdel Fattah el-Sisi-i, nungtugu Egyptian activist Ahmed Douma densema tepuoker aika nem taitok agütsüogo, ta state tv aser obendangertemi metetdaksü.

Arishi küm 37 tain Douma ya 2011 küm Hosni Mubarak atsüngtokba pro-democracy revolt nung tongtibang lenir ka liasü aser pa küm 15 tepuokdak ayutsü atema 2019 küm obendang agüja liasü. Security force amakba atema pa nem iba temerenshia agütsü liasü.

"Tir Abdel Fattah el-Sisi-i temzüng ozüng kübok pa tashi amshia Douma densema tepuoker aika nem taitok agütsüogo," ta obendanger Tarek Elawady-i ashi, shiba presidential pardons committee nung züngsem ka lir.

Kasa mapang nung

nungtugu rights lawyer Khaled Ali-i social media ajanga Honibarnü ashiba agi, pa Cairo tezülen Badr tepuokdak kima activist sang ya chiokba atadar.

Pa nem obendang agütsüba mapang obendanger-i ashiba agi, Douma ya parliament rakpoka ia teraksatsüba bener arutsüba telok nung densema liasü, koba temenen mapa inyakba ka lir.

Egypt nung tanga nungtugu activist tem ama Douma ya Mubarak yimsüsüba mapang tepuokdaka yoka liasü.

Pai 2021 küm "Curly" ta nungja agütsür sangro balala bendenba kakat ka saya liasü, koba pa tepuokdak aliba mapang züluba lir.

Item sangrotem ya taküm Cairo International Book Fair nung saya liasü saka security dak sendakba nung tetsükdaksü aliba ajanga mapang tatsüka dang lir aginatok.

2013 küm military-i Mubarak menden atsüngsang Mohamed Morsi aginba sülen pa pua liasü.

Taoba ita ketdangsurtemi Egypt nung rights researcher Patrick Zaki aser lawyer Mohamed el-Baqer na nema el-Sisi-i taitok agütsüba sülen chiokogo.

Taoba mapang army tekolakba El-Sisi-i anir Morsi atsüngtok, shibai pro-democracy campaigners aser Islamists tem tashiyim agi aziüoka aruogo.

2021 küm tatemlen nung Egypt-i jenjang kar agiogo, koba human rights ken o bentettsü asoshi lir, kong nungtugu tepuokertem nem taitok agütsüba densema lir, ajisüaka critics temi ashiba agi iba ya tema tazütsü inyakyim ka dang aser nüburtem maneni puogo.

Taoba küm April ita nungi tenzüka ketdangsurtemi yimden yimsüsüba dak sendakba nung tepuokdak yua alir 1,000 chiokogo, ajisüaka nisung 3,000 dak tema tepuokdaka yokogo, ta Egyptian rights monitors-i ashi.

Egypt activist tem rongnung nung ajak dang nungtuguba Alaa Abd el-Fattah aser tangar aika maneni tepuokdak yua lir.

Ketdangsurtemi ashiba agi, parnok ya security dak sendakba nung tepuokdaka yokogo.

Kasa mapang nung 2024 küm Egypt nung election agitsü lia tang taitok ya agütsüogo.

Tang tashi nung candidate ka danga sangdonga mali aji süaka tir-a iba election nung tokteptsü imlar.

Ukraine tir Zelensky-i Sweden semdang

Kyiv, Luroi/August 19 (Agencies): Ukraine tir Volodymyr Zelenskiy, Sweden Ato Kilonser Ulf Kristersson, Cuba aser tanga ketdangsurtem den ajuruteptsü atema Honibarnü Sweden tongaogo.

Russia nung linük nungi mintoktsü atema jenjang agitsü tenzüker ita asembuba aoba mapang pai tang iba linük semdanger

Zelenskiy-i ashiba agi, Russia-i Ukraine amak tenzüker ita 18 ajungtsü aliba mapang parnoki teyari tulu agütsüba atema parnok nem tenüngsang agütsütsü.

"Onok nükjidong tongtibangtibaji Ukraine nung sepaitem anüing aser ali nung tashi taitba kümdaksütsü, tesendaktep tali takangba yanglushitsü talisa defence industry nung, Ukraine Europe aser Euro-Atlantic space nung security telok nung densemstü asoshi lir," ta pai Sweden atonga indang osang lemsatepba mapang Telegram ajanga metetdaksü.

Swedish Defence Minister



Zelenskiy

Pal Jonson-i taoba hopta, par linüki Ukraine nung USD million 313.5 alang millitary teyari agütsütsü sentong yangludar, kong injang aser taoba mapang agütsüba prangbong hadirtem indang spare parts tem densema lir ta ashi.

Tang teyari agütsütsü aliba ya rara tenzüker Sweden-i Ukraine nem teyari agütsüba 13benbuba asütsü. Parnoki tank aser anti-aircraft system tem densema prangbong injang aser hadir balala aika agütsüogo aser tang tashi nung USD billion 1.8 alanga teyari agütsüogo.

World Cup: Sweden-i goal 2-0 agi Australia koka bronze medal nguogo



Sweden tsür Stina Blackstenius aser Australia tsür Clare Hunt na ball raktepba noksa nung angur.

Luroi/August 19, 2023

(Agencies): Tetsür World Cup nung Honibarnü Sweden-i goal 2-0 agi Australia akokba sülen bronze medal nguogo.

Sweden team ya world ranking nung tang jenjang asembuba nung lir aser asaya nung minute 28buba nung parnok nem penalty ka agüja liasü. Asaya nung Australia tsür Clare Hunt-i box telung nung Stina Blackstenius' alangdaksüba VAR ajanga ngutetba sülen Sweden nem penalty metsütsü atema maongka agütsü, koba Fridolina Rolfo-i aibelen mesüi idakja liasü.

Maneni asaya tatemtsü lia counterattack ka asüba mapang Sweden captain Kosovare Asllani-i penalty area tebang nungi goalkeeper Mackenzie Arnold adena ball kanga junga metsüokja tanabuba goal idakja

liasü.

World Cup nung tasembuba jenjang metongteti tembangaka Australia team asoshi tang tashi nung taküm tajungtiba asayatetogo, kechiyong taoba mapang parnok khen danga quarterfinal aden asayadanga maliasü.

Iba asayamung nung attendance records tasen ka yangluogo aser Australia team asaya anabo küm 20 tsüingda domestic commercial TV nung nisung timtibai repringba sentong liasü.

Asaya nung Australia team-i kanga junga ball belenshia asaya aser counter nung Hayley Raso-i goal idaktsütsü asoshi maongka angu ajisüaka lai metsüba ball nokdangatok. Raso-isa asaya tom nung goal idaktsütsü asoshi maongka angu saka Sweden goalkeeper Zecira Musovic-i kanga junga

nokdanga liasü.

Kasa mapang nung Sweden atema-a Asllani-i agütsüba ball ka Rolfo-i kanga junga tongoktsü saka bar nung ondaka liasü. Iba sülen mapang tatsüka lir Sweden nem penalty metsütsü atema maongka agüja liasü.

Asaya kanga kara asaya aoba mapang asaya mezüingbuba shilem tembangtsü lia Rolfo-i metsüba free kick ka Arnold-i kanga junga nokdanga liasü.

Australia coach Tony Gustavsson-i mezüingbuba asayar melenba sülen Asllani-i lar team asoshi tanabuba goal idakja liasü.

Sweden team ya 2003 küm runners-up liasü aser parnoki 1991 küm Germany, 2011 küm France aser küm pezü tejakdang England team koka bronze-medal nguogo.

FIFA-AIFF Academy amenoktsü atema Arsene Wenger-i India semdangtsü

Luroi/August 19, 2023

(Agencies): AIFF den longjemer India nung central academy ka amenoktsü atema ken o tembanga jembishinütsü asoshi nungtugu coach aser tang FIFA Chief of Global Football Development, Arsene Wenger-i October ita tanabuba hopta India semdangtsü renema lir, ta Federation tir Kalyan Chaubey-i ashi.

FIFA aser AIFF na longjemer U-13 tetsür aser tebur academy ka amenoktsü atema telemtetba ka agütsü asoshi Kalyan Chaubey aser AIFF Secretary General Shaji Prabhakaran nati honibarnü Arsene Wenger, Steven Martens, Technical Director, FIFA, and Ulf Schott, Head of High-Performance Programmes, FIFA den Sydney, Australia nung ajurutepeggo. Iba academy nungja ya mapang tatsüka lir lemtettsü.

Senden tembangba sülen AIFF tir-i ashiba agi, "FIFA den longjemer India nung state-of-the-art centralised academy ka amenoktsü aser iba inyakyim nung Arsene Wenger-i tongtibang shilem ka agütsü. Pa tajangshiba aser onok tejangraba aser

temerangdangba na senteper India nung tarutsü asayatem anitettsü atema jenjang tapet agitettsü ta amanger."

Iba academy ya kija masü saka feeder academy pezü mesüra pongui teyari agütsütsü aser iba ajanga network ka kümdaktsütsü.

Iba dak sendakba nung Arsene Wenger-i September ita official sangdong ka agütsütsü imlar aser iba sülen pai October ita tanabuba hopta India semdanga academy dak sendakba nung tanga maparentem inyakteptsü, ta Kalyan Chaubey-i ashi.

Kasa mapang nung Saji

Prabhakaran-i ashiba agi, "iba tongtibang project atema Arsene Wenger India-i pelashishia agizüktsü atema yongya atar. Pai India semdangba ajanga India nung asayatem renloka aoba nung tongtibang shilem agütsü ta ni amanger aser India nung sempet tajung aketba asayatem anitettsü atema longjemer inyakba tetezü linük temaba jenjangi atutsü atema lenmang sadema lapoka aliba pai repringtetba sayur.

Kalyan Chaubey-ia, "U-13 Youth League aser Sub-Junior National Championships ajanga sempet aketba asayatem jangjaba aser academy balala amenokba nung tongibang shilem agütsü. Onoki member associations aser lanurtem nem state-level trials atema maongka tali agütsüner, ajita asünundang U-13 Youth League atema state shia-i team tajungtiba yoktettsü," ta ashi.

Tebur Sub-junior Hockey telok tentetogo

Luroi/August 19, 2023

(Agencies): Hombarnü nungi tenzüka Rourkela nung national camp ka ayongzüka agiba mapang sub-junior tebur hockey asayar 40 nem parnok sempet arangtetsütsü atema nungtugu midfielder Sardar Singh-i tangazükba agütsütsü.

Hockey India-i lanur asayatem ajungkettsü nükjidong yur aliba nung shilem ka ama national coaching camp ka asoshi tebur sub-junior core croup atema asayar 40 shimogo aser parnok nem taoba India captain Sardar-i tangazükba agütsütsü, shiba mentor-cum-coach asütsü shimogo.

Birsa Munda Hockey Stadium nung training agütsü shimer aliba asayatem ya tawa tembangba HI Sub-Junior National Championships nung parnok asayaba yimya dak ajemdaker shimogo.

Iba camp tembangba sülen parnok Europe nung oa asayatsü.

Sardar-i ashiba agi, India Hockey atema supply line ka yanglutsü asoshi iba camp ya sentong tajung ka lir.

Paisa, asayatem skill

arangtetsütsü asoshi rangloker inyakba dang masü saka iba camp nung asayatem physical fitness daka rangloker inyaksangshitsü aser parnok tekelok shisatsü renlokdaaktsütsü asoshi inyaktsü, ta ashi.

Camp atema shimba asayatem yamai alitsü:

Goalkeepers: Rahul Bhardwaj, Atif Khan, Abhimanyu Gouda.

Defenders: Sukhmanpreet Singh, Mithlesh Singh, Nitin, Sohil Ali, Sami Rizwan, Pradip Mandal, Rohit Kullu, Vishal Pandey, Ashu Maurya, Ujjwal Pal.

Midfielders: Neeraj, Rohit Tirkey, Ghuran Lohra, Rohit Pradhan, Suresh Sharma, Prabhjot Singh, Manmeet Singh Rai, Arun J, Rahul Rajbhar, Rahul Yadav, Afridi, Bijay Shaw.

Forwards: Gurpreet Singh, Srijan Yadav, Happy, Sunil, Ritendra Pratap Singh, Aashir Aadil Khan, Deonath Nanwar, Deepak Pradhan, Yojin Minz, Harshdeep Singh, Ketan Kushwaha, Rohit Irengbam Singh, Ajeet Yadav, Sundarajith M, and Moohamed Jaeed.

India tetsür aser tebur compound team-i gold medal angu



Luroi/August 19, 2023

(Agencies): Honibarnü tang asaya aliba Archery World Cup Paris, Stage 4 nung India tetsür aser tebur compound team temi gold medal nguogo.

Tetsür compound team nung Parneet Kaur, Aditi Gopuchand Swami aser Jyothi Surekha Vennam nung Mexico team 234-233 agi koka team tetoktepba nung gold medal ngua liasü.

Iba sülen tebur compound team nung Pravin Deotale, Prathamesh Samadhan Jawkar aser Abhishek Verma nung final asaya nung USA team 236-232 agi koka gold medal ngua liasü.

Tetsür compound team final nung India tsür Parneet, Aditi aser Jyothi nung point ka agi Mexico tesülen liasü saka tatem nung parnoki point 59 nguteta Andrea Becerra, Ana Sofia Hernandez Jeon aser Dafne

Quintero nung madak takok angu.

Mexico team taküm World Cup nung tanabuba gold medal angutsü atema asaya liasü saka iba ita Berlin nung ama silver dang nguteter tembangogo.

Tebur compound team final nung India aser USA na kanga toktepba asaya aser final end-i aiba mapang point 176/176 liasü.

Point kasasa ser asayaba mapang Deotale, Jawkar aser Verma point 60 angutsü aliba nung 60 prongla ngutet aser USA team nung Kris Schaff, James Lutz aser Sawyer Sullivan nung point 56 dang nguteta India team-i gold medal angu.

Honiabrü India-i gold anguba tetezü taküm tang tashi nung Archery World Cup balala nung compound tetsür aser tebur tetoktepba ya linük ti-i kokogo.

BILEMDANGANG

"Nai mapang mamshira tangar mapang laludaktsür ta metetang."